

Sorte supern scri libri poc
 orum ptor iatur.
 Morte superb ra libri mor

Démum, ut fol. praevio, ita hic ultimo Chronologica quaedam adscripta sunt, et quidem fabulosa illa Series Principum Austriae ab Abrahamo pagano et uxore Susanna, annoque VIII. X. XII. die Mensis Junii per Judaeos ad Christianos et Ladislaum Posth. a. 1440. deducta, cui Ludovici Bav. et Rudolphi Habsburg. Genealogia inferta est. Castigavit illam pro merito Aen. Silvius in Hist. Friderici III. Imp. Adi Kollarii Analector. Vindob. T. II. a col. 15.

CCCXCV.

R. 3092 Codex membraneus lat. Sec. XII. Folior. 119. 4. eleganter a prima manu scriptus, et rubricis distinctus hanc in fronte Notam praefert: *Hunc librum emimus ab augustinensibus pro XII. solidis Anno Domini M. CCCC. decimo Octavo id est in primo anno ingressus mei ad hoc Monasterium sancte Dorothee virginis. Igitur Vienna.* Est autem hoc Titulo: *In nomine domini nostri ihesu christi incipiunt capitula in primo Libro dialogorum. Videlicet B. Gregorii Papae. Ita et Libri III. reliqui suum Capitulare praevium habent, quod manus quaedam posterior uberius contenta explicando passim deturpavit, secundo excepto. Operis a me jam non semel relati principium est: Quadam die dum nimis*

quorundam secularium tumultibus depressus &c. Omnia integra. Textus cum edit. Maur. T. II. Paris. 1705. col. 149. bene conspirat; legit tamen sub ingressum *excoqui cordis dolore pro languore, item nec tamen se perdidisse meminerit pro si tamen se, quod ajunt Mauriani reperiri in omnibus Mfs, ipsi interim suspicantes, legendum esse sic tamen ut se, item ut cum nauigamus longius pro quia cum &c.*

Addam Adclamationes ad Codicis calcem inventas, quas ex ingressu prope erat, ut satyricas crederem: *Cum Symon christo donante episcopatus apicem conscenderit. fruatur huiuscemodi benedictione. Omnipotens sua gratia deus vos benedicat. & ab omni malo defendat. Amen. Et quoniam pro eius honore ad dedicandum eius templum aduenistis. faciat vos perseverare in operibus bonis. Amen. Et quando ipsius iussu de hoc seculo migraveritis. tunc perfecti inveniamini. ut cum gaudio aggregari sanctorum cetibus mereamini. Amen. Omnipotens deus sua vos clementia benedicat. & sensum in vobis sapientie salutaris infundat. Amen. Catholice fidei documentis enutriat. & in bonis operibus perseverabiles reddat. Amen. Gressus uestros ad ueram uite uiam dirigat. uiamque uobis pacis & karitatis ostendat. Amen. Benedicat uos dominus. custodiat uos ihesus christus. illuminet*

net faciem suam super uos. & miseretur uestri. conuertat uultum suum super uos. & det uobis pacem. Quod ipse prestare dignetur. qui uos de limo terre formauit. & precioso sanguine suo redemit. cuius potestas permanet in secula seculorum. Amen. Haec saltem Sec. XIII.

CCCXCVI.

R. 3172 Codex membraneus lat. Sec. XIV. Folior. 177. f. per duas columnas litera atra, grandi pulcre perscriptus et minio distinctus aliud est *Dialogorum Gregorii* Exemplar praemisso IV. *Librorum Capitulari* ab hac Nota incipiente: *Dialogus cum mixto stilo compositus est*; id, quod de alternante *Gregorio* et *Petro* intelligendum puto. Lectio proba est; sunt tamen, quae differant. Ita pro superiore: *nec tamen se perdidisse meminerit*, habes et tamen, ita etiam *nauigauimus* pro *navigamus* &c. Ad calcem minio notatur: *Post hunc librum legitur ad collationem visiones clairuallensium*, unde Codicem a Coenobio *Novimontano* (vulgo *Neubergen*) Ord. Cist. ad nos delatum conjectura est. Quid vero nomine *Visionum Claraevallensium* veniat, adhuc quaero.

CCCXCVII.

R. 70 Codex membraneus lat. Sec. XII. Folior. 133. 8. probe scriptus, rubricis enotatus, et antea *monachorum congregationis sancte*

Justine deputatus in monasterio *sancti Seuerini et Sossii de neapoli*, ut habes p. 1. hunc titulum miniatum praefert: *Incipiunt capitula libri primi dialogorum Sancti gregorii pape urbis rome de miraculis patrum italicorum*. Initium Libri ipsius: *Quadam die nimis quorundam secularium tumultibus depressus* &c. Exemplum sat emendate scriptum quaedam tamen paullo aliter legit, quam Edita T. II. *Opp. Gregorii Paris. 1705. col. 149. f.* Ita in Prologo: *in amicitiiis astrictus pro amicitiiis obstrictus. Excoqui cordis merore pro languore. Ex condescensione multorum pro pro condescensione* &c. quae ibi inter variantes adnotata non sunt.

II. fol. 132. adhaerent Quaestiones liturgicae X. sequentes: *Quare a V. Feria usque ad sabbatum sanctum altaria sunt nuda? Quare in VI. Feria crucifixus est dominus? Quare non adoratur asina suae cetera talia quae dominus tetigit, ut crux? Quare in parasceue pax domini non datur? Quare in sabbato sancto officium celebratur in nocte? Quare clamante uoce sacerdotis ut descendat uirtus spiritus sancti in aquam deponuntur cerei? Quare III. dies sunt in unoquoque ieiunio? Quare in quarta et VI. et VII. Feria eadem ieiunia celebrantur? Cum IV. ieiunia IV. tempora anni recolunt, quare aguntur in primo mense et in quarto et in septimo et in decimo, cum principia IV. temporum non sint in his? Quare hi qui ad ordines accedunt consecrantur tantummodo in his IV. temporibus?*